

浙江圖書館藏





浙江圖書館



浙江圖書館



雪溪漁唱集卷之五

長短歌行

長江萬里圖

我昔辭家東海頭，拂衣霄漢從遨遊。  
道逢廣成與浮丘，以手招我登瀛洲。  
馭天風兮駕紫虬，乘白雲兮去悠悠。  
朝躋太華巔，夕訪崑崙丘。  
晞髮扶桑渚，濯足咸池流。  
仙家五城十二樓，一一遍覽窮冥搜。  
冥搜陟

海

昌蘇平

著



咸

蜀晏鐸振之編選  
里生貞慶善甫校

瑤島調咲日月炯霞間倒景紅塵迹如掃萬點峯峦  
鳥外青一泓海水杯中小蓬萊玉女遙相迎指點丹  
崖拾瑤草青鸞萬舞月已沉白鳳一斂天未曉酒酣  
跨黃鶴飛上峨眉巔峨眉萬仞高挿天捫叅厯井天  
梯連陰壑春融太古雪流瀑潺湲震岩穴砢崖走石  
轟如雷飛虹墮地銀河裂驚濤蕩滂三巴去錦浪翻  
空疾如注奔入瞿塘十二灘劔閣崔嵬屹相據三峽  
湍殺一何急蜀相祠堂鎮沙磧妙畧猶存八陣圖英  
名已盖三分國氣蒸雲夢搖晴波洞庭水濶浮雲多  
曰仙吹笛去不返君山一髮空嵯峨渺々荆門隔烟

樹赤壁坡翁昔遊路英雄鼎峙已消磨鏖戰當年定  
何處孤蓬夜泊瀟湘渚叢竹猗蘭雜汀芷投文不見  
賈少年捐珮遙憐屈原死武昌城邊多綠楊漢陽一  
水遙相望隔浦漁灯自明滅漁人鼓枻歌滄浪芳草  
萋々沒鸚鵡禰子文章閔黃土曹瞞黃祖兩醜鷄俯  
仰令人慨千古鼓郎機頭浪蒼激鞋山感踏風波立  
小姑一夜巧梳粧獨倚空青翠鬟濕西來復上峨眉  
亭二水掩映三山橫謫仙騎鯨捉明月詩豪千載留  
芳叢觀光攬轡金陵道宛轉龍河自口遶龍口虎距  
王氣鍾宮闕參差出天表

聖人御極開文明治洽宇內歌昇平簫韶九奏虞廷  
上時有綵鳳相和鳴擊楫中流渡揚子彷彿金焦碧  
雲裡千年鹿走姑蘇臺東望吳松渺烟水烟水連太  
湖一碧三萬頃扁舟范蠡竟何之日斜不見孤帆影  
掉頭翻然歸故鄉人寰仙境俱茫茫胸中但覺文思  
湧直與盧駱參翱翔多君愛畫入骨髓文彩風流孰  
堪比榻懸高士為我留抖擻煩襟豁如洗焚香披閱  
長江圖咫尺應須論萬里丹青妙奪造化工乾坤秀  
氣蟠心胃三山五岳望不盡江流直与滄溟通只今  
四海車書同涵々江漢來朝宗翻騰已息子胥怒疏

鑿還思大禹功老眼摩挲三嘆息半是平生舊行迹  
側身四顧心茫然搔首長歌楚天碧

十八學士登瀛洲圖

唐家真人龍鳳姿育德藩邸龍潛時高光之才世莫  
比天下豪傑風雲隨衆中唯有十八士一一風流絕  
經史府開天策近西宮琳館參差碧雲裡一人元良  
萬國貞三番進講重儒紳衣冠總是人中彥文彩皆  
為席上珍禁禦從容足高步春風彷彿瀛洲路黃封  
絡繹天上来仙樂鏗鐳日邊度帝子時、錫御筵龍  
肝鳳髓相烹煎煎羽翼無慚高嶺叟文章爭羨玉堂仙大

家此日同為樂滿泛金甌互酬酢君臣慶會古所  
難見不麒麟舊時閣君不見仙李蟠根三百年栽  
培未必非賢又<sup>群</sup>不見貞觀之初尚文治比迹唐虞  
良有以吾鄉凌君舊名族好古平生異流俗偶然  
得此心神怡篋笥深藏寶如玉吁嗟乎古今人物  
無時無幾人際會登斯面還君古畫三嘆息掀髯一  
咲青山孤

琴歌

我聞美人心迹竒讀書萬卷甘茆茨停杯高歌郢  
曲揮毫懶和巴人詞嶧陽孤桐繫水 青山明月長

相隨龍涎吹香浮古鼎對客徽音能爾為遠指鏗  
鏘憂寒玉希敲大古世所推一彈 調恍惚海底  
騰 螭再彈黃鵠吟離鷺別鶴鳴鼓悲三彈四  
彈 寫宮徵夜雨雜暉鳴天池大絃小絃時斷續轉  
羽移商調獨遲初疑秋風金人露盤折又疑黃河  
凍裂流水漸清如西山伯夷歌薇和如康衢父老行  
春曦怨 娥皇女英泣湘竹悲如文姬夜別胡中兒  
胡已今已矣師襄邈難追臨風為我彈一曲老夫頓  
覺心神怡君胡為子卧空谷四海未必無鍾期何不  
携之獻

天子明光一奏南風詩民和物阜歌雍熙朝陽彩鳳  
重來儀朝陽彩鳳重來儀

投壺歌

為錫山錢維文賦

君不見漢家將軍身姓祭武畧文韜見英邁終日投  
壺心自閑制敵威名傳闔外又不見唐風流郭舍  
人投壺往々稱絕倫杜陵詩客贈佳句百發百中何  
其神吳越王孫愛賔客與客投壺興超逸心存中正  
体不敬儀度從容足觀德矢毅鏘然墮壺響對以令  
人益蕭爽偶爾中耳未為奇幾乎敗壺安足賞須臾  
忽作隻挿花飛矢亂落紛如麻平壺滿壺妙無敵驕

氣易盈非所誇將軍舍人不復作勝負尊前五  
酬酢高堂揖讓禮數多六博狂呼豈為樂雅  
歌鳴々歌鹿鳴我亦為君側耳聽玉缸春紅  
酒正拍塞座中有客忘醉醒醉未擊碎珊瑚  
樹矢盡壺傾不能住抱琴明日復來過袖拂  
紅塵且歸去

東臯茅屋

為凌樂耕賦

東家有樓高入飛雲薨畫棟凌翼塵八窗洞  
開貯歌舞明眸皓齒驕青春西家傾資構華  
屋峻宇雕牆耀人目張筵結客皆豪英橫使  
黃金歡不足何如樂耕老人住東野結屋誅  
茆蔽風雨不施髹履樸且堅代

桑為樞竹為戶潺湲流水青山遠縹緲烟霞洞門小  
好雨潛滋屋角花東風不剪庭前草神遊鴻濛隘八  
區日月為牖天為廬有時抱膝發長嘯丈夫何用心  
煩紆蘿迳蕭々遠凡俗白居易清池慰幽獨焚香林  
下撫枯桐倚杖溪頭看修竹々樹參差覆綠陰虛簷  
兀坐多清吟々成間作金石調始覺下里徒哇淫寒  
梅吹香落晴雪偃息蓬窗自超越床延高士晝眠雲  
門掩山僧夜敲月君不見黃金塢膏火焚臍滅為土  
又不見金谷樓綠珠墮地令人愁楊雄草亭甘寂寞  
子淵陋巷能忘憂多君平生有高趣小隱湖山最深

處松下胎禽喜客來苑中啼鳥留春住慙慙致書索  
我歌我才蹇劣將如何便欲造君湖上之烟蘿為君  
滿酌金叵羅酒酣擊節歌一曲碧雲不動高嵯峨人  
間小小富貴不足數芳名耿耿永不磨興來更招采  
芝叟与君高卧山之阿

漁樂

為袁醉雪賦

梅坡先生隱者流萬事不理心悠悠扁舟一葉載孤  
興放浪形骸隨所遊有時垂綸釣滄海坐看桑田幾  
回改船頭明月還自來篷底清風不須買有時楊舠  
鼎湖曲一棹夷猶泛晴綠蕩漾玻璃萬頃秋獨向中

風應作烟

流濯吾足有時入菰花溪蒼紅萬樹迷東西碧嶽  
參差彩鸞舞丹崖壁立哀猿啼獺啼數鼓洞門曉洞  
裏仙家隔烟小望中疑有避秦人回首餘音還杳々  
有時鼓枻滄江裡蹴踏蘄濤弄雲水憔悴那逢楚大  
夫風流不見玄真子長占風波養高志拍塞胷中浩  
然氣靜對青山遠世情閑尋白鳥忘機事綠蓑青笠  
芰荷衣筆床茶竈相因依却嫌魴鯉登盤細翻恠鯨  
鰲墮釣肥會稽之樵以為友浩歌滄浪對尊酒酣  
橫笛敲鳴々水低潛蛟作龍吼餘音飛空山石裂夜  
犯馮夷水晶闕歸來毛骨猶凜然擁蓑高臥空山雪

草堂作章

君不見巖子陵桐江道跡鷗為盟漢廷物色動星象  
千載萬載垂休名又不見師尚父屠釣生涯自容与  
一朝西伯載後車勲業封齊耀今古我亦東溟一釣  
徒釣竿隨處拂珊瑚側身天地鴻濛外咲傲雲山太  
太古初君自是江湖客擬結同心棄清適直鉤有待  
得天璜未必終身老川澤

秋林長嘯

為曹汝器賦

林溪蜿蜒帶長薄淑氣氤氳見磅礴望中蒼翠藹如  
烟喬木千草自森錯豫樟梗楠梁棟材長松古檜凌  
雲栽蒼苔白石遠行路清陰滿地無纖埃一夜清霜

隨林樾萬卉蕭條葉初脫商飈颯々金氣行頓覺空  
林景殊絕江楓燁々紛如霞殷紅遠近明春蒼林中  
之人興飄逸宛疑放鶴仙人家踪跡超然遠塵俗世  
事無營樂幽獨敲長嘯入烟蘿絕勝高歌紫芝曲讀  
書未必登蓬瀛胸中壘碗何由平側身天地動清響  
金石隱々流商韻一聲清彷彿三峽哀猿鳴推蓬有  
客泪流落萬里天涯傷旅情一韻遠節奏高低急仍  
緩夜靜悠々萬籟沉老鶴巢松夢魂斷一韻悲青天  
過住行雲飛伯夷不可見何人復來采西山薇  
一韻壯舉世那能繼高唱康衢之謠未足誇牛尾之

歌不須讓有詩時擊節當月明江波湧躍魚龍驚有  
時飛腔寫宮徵急管繁絃徒靡々蘇門自昔重孫登  
鳶鵠遺音洗人耳我亦平生愛長嘯江海惟君可同  
調酒酣便欲招成綏長賦須臾為君掃

放歌行送沈愚歸吳中

空侗生最知己早歲曾居鳳城裡相逢傾蓋結忘年  
肝膽平生向余是閑身長日生篋軒白眼尋常對餘  
子下帷焚香唯讀書毅利無營心澹如閑門多種先  
生柳陋巷頻來長者車時平不用賈誼策布衣敢謂  
承明廬以茲掛衣賦歸去世路紅塵豈能住閭門美

酒長洲花高卧當時舊遊處書信只憑雙鯉魚三載  
相思隔烟霧今年重上

帝王州同心邂逅相綢繆謂我風流有佳句笑我江  
漢仍淹留燈火連床話曠昔滌蕩萬斛胃中愁人生  
得意付杯酒富貴何須印如斗多君只今英妙年已  
有新詩滿人口俊逸還過鮑謝客前新音落盧王後  
正爾相逢數朝夕典却春衣非所惜鳳凰臺上歌月  
明燕子樓中醉春色此地繁華堪重留何事令人戀  
鄉國把酒臨歧嘆分袂烟樹蒼茫攬離思芳草天涯  
去路長楊柳都門烏鵲碎渡頭落日少人行江上青

山見歸騎明日懷人西復東落花滿地愁春風看花  
題詩對尊酒雲萍踪踪何時同

贈提戎陳尚志

陳將軍文且武羽扇綸巾志超古防身三尺青龍精  
長擬提携報

明主玉樹昂八尺軀膽氣落千人夫胷中甲兵  
企韓范目下指畫追孫吳駐節揚威鎮邊土赫爾流  
聲吳楚壯心直欲斬潛蛟赤手真能縛生虎風流文  
雅誇絕倫世上男兒不須數有時軍中自橫戟走馬  
沙場去無跡有時從容俎豆間對客投壺心自閑島

嶼無烽靖戍虜細柳春風樂戎伍男耕女織居民安  
轉覺東南有環堵君不見張子房扶劉滅楚籌策長  
又不見諸葛公出將入相誇英雄我聞尔翁大都督  
平生忠赤羞兵同丈夫繼志在名節將軍努力追前  
風將軍努力追前風

答凌氏叔姪

書圖

少年負奇氣挾策遊上京仙家十二樓五城翱翔歆  
上青雲行致君堯舜豈無術黼黻治化躋咸寧虎豹  
九關不可入曾中壘硯何由平自古益車困騏驥世  
無伯樂徒長鳴臯比獨擁長安市執經問難皆豪英

笑談往々唾珠玉揮毫落紙烟縱橫低頭不肯揖權  
勢五侯七貴爭相迎朝縱許史看花發暮過金張醉  
月明生前且盡盈尊酒身外何須萬古名登樓慷慨  
同王粲傲世踈狂陋襮衡眼看世路悠悠者視之若  
浮雲輕拂衣歸來無負郭獨向青山伴猿鶴黃金揮  
盡故舊歡陋巷簞瓢以為樂魯人猶自小東丘末俗  
那堪<sup>振</sup>文鐸古道衣冠不復存鄉里遺風日蕭索世人  
視我同衆人惟君叔姪最相親平生傾倒情偏厚十  
載論文意獨真山中茆屋談詩久溪上蘭橈載酒頻  
心事共知同管艷世情誰復似雷陳乘興扁舟五湖

裡為憶天涯舊知己放歌遙上吳王臺懷古因過子  
游里子游去吳俗尚淳始識南州有高士絳帳慤  
為我留日、歸心逐流水回首何為在離別千里書  
來動愁絕秋清老桂懸古香歲晚貞松見竒節秋風  
江海賦歸來我欲林泉訪高繫一絲湖曲釣滄波半  
榻空山臥深雪

送岑公琬應薦北上

岑夫子人中英二十挾書劍客遊鹽官城三十富文  
學潛心究遺經草書神速輕內尖詞翰落筆雲烟生  
四十尚為儒布衣敢謁承明廬三策每懷庄主術萬



住受刃而死重其節故為賦之

史家婦二十餘隨夫遠戍邊城隅邊城無人姑復老  
夫婿從從誰與君朝從甘昏夜辟纒營門寂々掩荒  
蕪修忽風塵暗寰宇亂髯將軍猛于虎象中見婦顏  
如花仗劍橫戈歆相梅烈婦之志不可渝烈婦之身  
不可污寧為天邊失群雁青學水面隻飛鳧貞白元  
知自相許却憶良人泪如雨粉身碎骨無趨趨死節  
還同竇家女清風至今聞烈々萬古知心有明月見  
說孤墳草尚青土痕猶染當時血

王節婦 為温州王太守母賦

王侯有慈母秉志口且良婺居撫孤兒即義凜秋霜  
良人嚴訓存義方願兒不墜前人光成童即遣就外  
傳提携鞠育心違々漏盡無眠勞紡織夜雨挑燈課  
書夕歌殘黃鵠不移天剪斷青絲為延客毋申父命  
子受教德業文章見成效黃堂烏府摠流骸  
聖代推恩錫鳶誥十年華表重褒旌阿母能慈子口  
孝

瞻雲 為馮伯祺賦

浙

嚴親昔年官汝州白雲在望心悠々嚴親一謫鴻陽  
戍遙望白雲亂愁緒悲哉父子恩馳若參與商展轉

不相見中懷良自傷萬里關山越邊境滄瀛承歡淒  
中省落日難為寸草心天涯愁見孤飛影人逐西  
渺何處親庭只隔漁陽路幾回惆悵復踟躕此身願  
作雲飛去身不能飛柰尔何眼中雨泪成滂沱願親  
歸來沐恩波膝前獻酒朱顏酖弄松如喬樂天和裁  
雲為衣舞婆娑

時雨軒

為醫士郭孟霖賦

歲遇大旱天亢陽火雲赫人  
流炎光山林如焚地龜  
裂草木槁落禾焦黃何人  
馬上天瓢注風送甘霖颯  
然至枯者回榮死者甦頓覺  
乾坤有生意水壺先生

隱士流迺是昔時韓伯休  
軒名時雨思濟物以心直  
與天同游戶外丹光燭人  
紫搗藥塵香拂書几起死  
回生不作難射利誇日以  
為恥先世高堂重滋德術  
祕青囊有遺澤杏子成林  
董奉家木奴覆井蘇仙宅  
吾聞爾翁鐵岩子活人愈  
多心愈喜遠近咸沾滂沛  
恩橋梓芳名播人耳君不  
見傳說之才本良輔版築  
蕭條困環堵一朝感夢動  
天人去向高家作霖雨又  
不見扁鵲適遇長桑君上  
池之水能通神飲之弥月  
見五臟能令衰朽回陽春  
二公高風足堪尚自古良  
醫比良相願將一片活人  
心化作虹霓慰時望雲龍

倏忽來鴻濛潤澤潛資造化工憑君好展醫國手坐  
令四海無痲瘥坐令四海無痲瘥名与天地萬古流  
無窮

三山望雲

為吳行恕父賦

朝望雲東海濱暮望雲東海濱朝望雲東海濱白  
頭老我高堂親昔年娛親在親舍今日思親白日下  
白雲在望慈顏違駐馬知躑泪如瀉兒身遊宦三山  
霧雲影分明隔烟霧萬里微茫天際飛一片悠揚鳥  
邊度祿養空懷寸草心甘昔無由奉晨暮須臾雲散  
海天青孝子馳情重回顧

竹林七賢圖

嗟哉此境何清幽，  
脩然萬玉環林丘。  
涼風時來翠陰倒，  
坐令赤日如清秋。  
諸公避暑林間遊，  
何須跨鶴登瀛洲。  
席天幕地恣歡譁，  
一觴一詠誰能俦。  
林夜瑤琴奏方歇，  
阿咸撥阮銜琳球。  
山濤鶴髮垂葛巾，  
藜杖輕紗裘步兵。  
負竒才，乾坤傲睨青瞳眸。  
王戎白瑋各儒雅，  
清談豐々無時休。  
伯倫胸中隘九州，  
奮然箕踞輕公侯。  
醉來不啻人間愁，  
藉糟枕麴埋其頭。  
當時人物極瀟灑，  
遂令典午成風流。  
何如東山高臥謝安石，  
起來能洗天下蒼生憂。

漁樵問語圖

君不見澤中男子披羊裘一竿風月心悠悠漢廷諫  
議不肯拜名与桐江萬古流又不見會稽山中採樵  
客伐木丁丁度朝夕行年五十富逼人皂蓋朱幡耀  
鄉國滄洲野老淡忘機扁舟箬笠青蓑衣閑身恐入  
熊羆兆幽興長隨滬鷺飛石径崎嶇負薪叟猿鶴為  
群鹿為友爛柯曾看仙人碁斫桂暫停修月手青山  
之麓滄海濱相逢一笑情何親尔弛其擔我停楫傲  
晚秋泉咲語頻上有堯舜君下有稷契臣調和玉燭  
開太平萬方民樂熙熙春不遭西伯獵不受愚婦嗔

不登權勢門不踏京華塵  
乾坤俯仰真自得許由巢  
父吾其倫我歌款乃歌  
君唱紫芝曲一尊倒盡歸  
去來山上月明江水綠

萬斛驪珠圖

為秦州王行賦

漢使當年通絕域見此纍  
纍異凡植萬里靈槎載種  
歸根蔓于今遍中國弱榦  
踈藤垂裊々密葉玲瓏綠  
雲遶馬乳初生曉露溥金  
葩乍結秋風早友雲上人  
日貫徒揮毫洒墨紛糝糊  
老龍吸波海水竭露出萬  
顆明月珠月珠自是天間  
寶滿架離々照晴昊壓成  
一斗味偏佳博得涼州不  
須道隻闕崔嵬五雲裡我

欲持之獻天子憑誰釀作萬觴醍醐漿願為四海瘡  
痍除渴死

題仲昭竹

館

陳侯愛竹如愛玉逸簷種得淇園綠碧雲零亂拂紫  
冥蒼雪繽紛墮筓谷露葉烟梢生意好拂檻橫窓翠  
圍遶月明涼影搖叅差天外飛來綵鷺小開徑唯容  
二仲來門前白石生蒼苔琴尊時々欵佳客滿林爽  
氣無纖埃太常夏卿識侯意臨池為寫瀟湘趣翰  
啼處雨濛々望中疑是黃岡路夏卿風流孰与倚筆  
力不數文湖州錯刀縱橫書法古陳侯不惜千金求

遠近波光帶林藪但覺清風來左右為侯重賦武公  
詩進德千年垂不朽

題梅

以上為陳都師賦

江南昨夜東風暖陽氣潛回生意滿興來隨鶴過溪  
橋策蹇孤吟不知遠衝寒遙入西湖去林下尋春恐  
遲暮水邊忽見冰霜姿雪裡時時暗香度姑射仙人  
縞衣冷滿地玲瓏墮珠影參橫月落翠鳥啼彷彿羅  
浮夢初醒十年不到勝山路畫裏相看色如故廣平  
素有錢石心不惜揮毫為君賦

管鮑不分金圖

黃金豈足貴，管鮑情益深。平生結交惟結心，此心重  
義輕黃金。黃金視為土，交情邁古今。可憐薄俗勢利  
徒，翻手為雲覆為雨。回看子心激烈清風生，黃金  
穩如山，平胡為買得千年名。

歲寒清玩

朔風吹冷江南路，萬樹疎花吐寒素。溪流清淺影橫  
斜，籬落縈迴暗香度。雲峯尋春策孤蹇，行盡空林涉  
層嶽。踏雪寧辭小徑斜，穿雲不憚前村遠。興盡歸來  
入夢頻，相思夜、勞心神。自是風流逼河遜，竹居為  
寫。浮春玉容，蘆纖服輕縞，姑射仙人眼中好。相逢

同結歲寒心一點孤光月輪小

丘隴圖

為琴川錢名言賦

丹山鳳生三鳳雛、翼朱翬凰西殂雛哀躑躅仰孤  
鳳日夕振羽聲呱呱、穀呱呱、淚流血招母魂闕深穴  
雖今文彩光陸離念母之德思母慈思母慈渺何許  
尚湖之陰虞山之下白雲慘淡暗松楸落日玄猿泣  
林莽展圖永挹終天悲魂夢不離泉下土

懷金粟公三章

浙

思美人兮鍾山之陽自我不見兮十易星与霜遁世  
無問兮韜厥光修名克樹兮水流芬欲往從之兮道

路長濟川無舟兮河無梁顧瞻北斗兮空徬徨側身  
西望兮泪沾裳

思美人兮鍾山之干自我不見兮十易暑與寒採湘  
蘭兮思漫漫懷令德兮永弗諼欲往從之兮路阻艱  
山凌競兮水潺湲顧瞻北斗兮坐長嘆側身西望兮  
泪汎瀾

思美人兮鍾山之下自我不見兮十易寒與暑嗟抱  
璞以不售兮故時人之莫與鳳皇其無食兮梟翩  
翩而安處駕蹇蹇以騷乘兮舍騏驎而弗御聊遺世  
以獨立兮悵斃而孰予語顧瞻北斗兮獨延佇側

身西望兮泪如雨

松風蘿月圖

并序

館

焦煉師嵩之神女也或云生齊梁間胎息  
絕穀年可五六衰許容特幽婉居少室游  
行若飛倏忽萬里世傳入東蓬萊莫測所  
往唐李謫仙嘗遊嵩山吊其跡慕其風遙  
贈以詩有中有蓬萊客宛疑麻姑仙終之  
以蘿月松風之語好事者繪為圖余友董  
君如愚重先世舊物因徵余辭以賦焉歲  
正統三年冬至前二日識

紫

彼美人兮頎而長煉精魄兮嵩之陽養元和兮嚙瓊  
漿風為珮雲為裳潔容顏兮皎秋霜善窈窕兮媚清  
揚駕蒼虬兮御紫凰朝崑崙兮夕扶桑宴瑤池兮  
宿雲房攀處妃兮伍英皇倏忽萬里兮何渺茫朝玉  
帝兮天中央絃松風兮韻淒鏘鑿蘿月兮澄素光追  
異跡兮賦高唐思之不見兮空傍徨授玉函兮覩天  
章超溷濁兮壽而康覽八極兮參翱翔

天台桃源圖

天台山高入天梯萬仞相鈎連琅玕瑤草被岩  
谷長松古檜凌雲烟尋真劉阮超凡客採藥深林探

竒迹洞門窈窕別有天山中偶遇神仙宅  
神仙宅宇風景殊仙子颺飄雲錦裾  
胡麻神棗作晨供咲傾玉醴同歡娛  
同歡娛樂無極雪容蒼貌玉樓春綉帳  
銀屏洞房夕翻憶塵寰不能住拂袖青  
山便歸去重來舊路迷白雲赤壁丹崖  
渺何處人生處世皆如此富貴榮名暫  
焉耳劉郎劉郎歸去來莫怨花蒼與  
流水

冰壺歌

為郭孟霖賦

汾陽之孫愛壺隱一室疑冰甚虛靜  
雲母屏風射冷光水晶簾箔搖秋影  
身遊洪濛脫鞵鞅羽扇綸巾益

蕭燕賣藥何須市上懸騎竹仙人日相訪玉杵飛塵  
散香雪丹井流光奪明月時、清氣逼簪纓彷彿嫦娥  
廣寒闕世路紅塵迹如婦洞裡碧桃香自好酒酣  
俯仰宇宙寬却笑醯鷄甕天小

薊門別意

為沈知縣賦

都門八月秋風起相送征帆逐流水多君之官東海  
頭烟樹迢迢隔千里落日離筵惜鮮携浮雲何事又  
東西九重闈闈辭龍陛一路關山入馬蹄便道還  
經讀書處多是當年舊遊路楚塞雲寒白雁秋吳江  
霜落舟楓暮琴川之水足徜徉親朋相與倒壺觴勿

請在作晴

力在作刀

勿王事在行邁此去何心戀故鄉姑蘇臺前暫停竚  
夜向吳門聽吳語天上郎官應列星海畔黎民待時  
雨知君早歲富才華秘閣修文人共誇請翻丹鳳池  
頭墨肯醉瓊林席上花芮城南海三為令到處人傳  
有佳政桑間馴雉未足奇猛虎聞風跡潛避平生素  
抱經濟才牛刀小試無嫌猜百里終非大賢路枳棘  
豈是棲鸞材我聞吾邦古淳俗風化由來在良牧他  
年報政歸銓何佇看掄才佐黃屋

日沒日出行

昨日：沒  
□淵西金烏飛落青天低今日：出扶桑

東火輪燭，蒸霞紅。仰看曜靈出口，沒循環。天地無  
終窮。流行亭毒在一氣，曦和轉轂，追颶風。魯陽揮戈  
詎能返，夸父渴死無回踪。急景催人，夜復旦，昨日少  
年。今老翁。所以學仙子，慕彼浮丘生。黃芽煉金鼎，白  
雪貯玉罌。夜吸月之華，朝食日之精。骨亦不可解，丹  
亦不可成。代毛洗髓，誠浪說。熊舄舄，勞形蓬萊  
弱水三萬八千里。安得羽翼隨飛昇。不如床頭釀酒  
春拍塞，杯行到手不暫停。醉舞白玉珂，笑吹紫鸞笙。  
不求千秀壽，不用萬古名。但願酒酣醒，復飲神遊混  
沌心。無營樂天之命，以隨化。任他日月東西行。

王叔明秋林行樂圖

江南九月秋早風  
青山萬樹霜風老  
重絳錦帶斜陽燁  
丹霞照晴昊  
千岩萬壑嵐氣浮  
長松古檜相綯繆  
碧靄空濛翳蒼翠  
枝榦屈錢蟠龍虬  
石洞陰森逼人冷  
一派飛流墮影峭  
壁潭疑泰華巔  
懸崖只訝匡廬頂  
林深美人山澤癯  
溪邊策杖仍知躡  
一迳尋幽踏紅葉  
萬事無營心晏如  
往人孤吟得佳句  
行到水窮雲盡處  
平生不食鄒楊裾  
俯仰乾坤足高趣  
黃鶴山人瀟灑姿  
醉揮象管寫淋漓  
摩挲老眼看無厭  
彷彿西湖倚馬時

雪溪漁唱集五卷終

浙江圖書館

雪溪漁唱集卷之六

海昌蘇平 東衡著

西蜀晏鐸振之編選  
戚里王貞慶善甫校

五言排律

奉寄天官魏仲房先生五十韻

聖主遵儒術 民風復古淳  
天官資化育 元老佐經綸  
白駸參時政 丹衷秉國鈞  
鈞運符堯典 泰治洽禹謨  
純象緯行黃道 圭璋拱

紫宸韋賢終相國 杜甫早充賓  
器宇群彥詩書領

播紳應時來瑞鳳希世見祥麟學究河汾夜經傳泗  
水春亨衢隨步武當路善持循蘊美同荆湊含輝異  
席珎名高天下士望重斗南人位以文章顯心惟道  
義尊都俞歌

帝德鼓舞贊皇仁獨抱忠貞操端為社稷臣九天瞻  
日月雙闕上星辰房杜規模遠伊周事業新太常遺  
舊績宗祀肅明祠玉帛誠尤著咸諶樂並陳威儀常  
秉、氣象益振、封謚書銘數咨詢議禮頻寵思由  
睿想福祿自天臻吐哺延英又銓德邁等倫衣冠  
藻鑑人物藉陶甄卓識裴行儉清標賀季真江湖多

慕藺崧嶽復生申南國推高誼容臺拜後塵味方玄  
洒淡德與大羹醇雅况能超俗雄辭妙入神丰姿明  
玉樹晚節勵霜筠十載違函丈平生仰德隣停雲嗟  
久別立雪嘆無因瞻斗懷賢日封書寄雁晨荷鋤耕  
谷口載月釣江濱意遠山逾靜機忘鳥自馴馬御編  
卧病原憲不辭貧濯足時臨澗行歌或負薪由來甘  
草久澤矣謝蹄輪暮嶺尋黃獨滄洲採白蘋菲才曾  
見錄末學敢求伸世澤懸坡老家殿愧却詵益卓埋  
逸足涸轍困修鱗謾倚工齊瑟徒誇斲郢斤草玄猶  
寂寞挾策尚逡巡泉石盤中趣烟霞物外身自知無

捷經何必問通津  
霄漢風雲閱乾坤  
雨露均嚴陵非  
傲漢蔡澤亦歸秦  
昭代逢全盛  
端居遂隱淪  
所思惟  
占道夢寐願相親

贈征南監軍張式之六十韻

并叙

平昔居京師  
親道德之光  
接緒餘之論  
為多自歸海  
濱伏匿鄉里  
不相見者二  
十餘載  
斗仰殊甚  
公以雄才  
大畧  
蘭  
在

帝心榮陞都憲  
整肅綱維  
竊為

朝廷得人為賀  
繼聞

詔賫襄總戎監軍閩浙運籌幃幄盡厥西  
心削平巨猾以戎百世之功全浩東南  
之民萬姓莫不鼓舞平伏觀盛事忝為  
所知義不容默忘其愚陋僭成五言排  
律六十韻雖不足以張盛美歌頌厥功

聊用叙其萬一也

帝統乾坤大皇風洽九區股肱侷稷契德澤萬唐虞  
玉帛諸蕃貢梯航萬國趨摯搶依分野狃獫冠遑隅  
括郡橫封豕閩南聚獍徒蒼生罹水火赤子困泥塗  
猖獗同元濟跳梁異負芻肆克鉏善類梗化逞頑愚

自負溪山險偷生嶺道紆橫行寧有賴荼毒及無辜  
有美都邦憲雄才黃廟謨立

朝持骨鯁振紀懾奸諛瑞應丹山鳳光昭栢府烏  
聖衷親簡擢廷論共都俞受命連師帥專征得鉅儒  
青冥來斧鉞白雪耀戈爰天上辭龍溼雲中下玉除  
豹韜開武畧帟帳握兵符料敵多成算安邊有遠圖  
折衝當俎豆談笑正鈞樞海岳霜威肅關山月影孤  
雷霆嚴號令黎庶盡歡呼決策誇人傑臨危見丈夫  
承恩思靖難報國欲捐軀諭蜀文章古平壤膽氣粗  
扇揮諸葛陣矢散養由孤部伍三軍合貌貅萬騎驅

搗虛因倉卒拉朽在須臾賞罰恩威著旬宣信義孚  
巨魁成就戮餘孽不容誅賊壘頻梟首轅門屢獻俘  
釜魚徒自活穴蟻竟何逋縱火窮搜索如兵極剪屠  
旌旗環睥睨袂鬼護儲須計出孫吳表功成衛霍俱  
謝棋忘折屐陳檄健操觚忽解瘡痍苦能將雨露濡  
九泉冤尔雪億兆氣方蘇已喜妖氛掃仍憐戰骨枯  
蔡城推李愬赤壁尚周瑜不減連城壁何慚照城珠  
氣吞雲夢澤量闊洞庭湖慷慨如公少風流絕代無  
芬猷聞百粵偉望震三吳勲業超前烈名達上都  
班師齊奏凱張樂且投壺圖像歸麟閣褒辭伏董狐

鳴騶過錦里飛珮上天衢父老看旌節邦人覩範模  
重經江淠水不恋故鄉鱸契濶追高誼相逢只舊吾  
二天心獨感一別歲頻徂林下懷知己詩中見大巫  
益車伏麒麟積棘寄鸚鵡雖空谷非藏器悔茅守株  
高岩諸老逸魯國丙生迂俊傑乘時顯珪璋待價沽  
自知無捷徑誰復嘆窮途欲倚吹噓力還憑造化爐  
青雲望不及回首重嗟吁

奉酬朱修撰先生四十韻

聖治逢堯舜淳風動八埏人文方浩浩王道正平  
伊呂尊皇室臯陶拱御筵先主隆學術盛世重英賢

嵩岳鍾時彥奎星耀夕躔龜呈伊洛水驥出渥窪淵  
管輅偏知易揚雄解草玄文辭何炳赫翰墨最飄翩  
白雪詞難和黃初体更便鄧枚宜並轡盧駱許齊肩通  
藉金門裡揮毫玉陛前風流黃閣老瀟灑石渠仙  
鳳沼追遊地龍池咫尺天珮搖清禁月袖拂御爐烟  
洞識天人理潛資造化權內頌金帶重恩賜錦袍鮮  
自是風雲會非閑雨露偏賈生宣室名主父漢廷迂  
報國才堪展榮親意獨懸校書劉向在題柱馬卿  
還薦誥來雙闕龍章煥九泉陽春回宿草佳氣諳遺  
阡高盖光閭里穹碑起墓田

朝廷思若海大史華如椽  
修祀蘋蘩潔焚黃禮數專  
功名誰可擬忠孝復能全  
每下延徐榻頻採訪戴船  
門闌迎駟馬賓座擁貂蟬  
清興思林下丹心恋日邊  
老懷尤曠達晚節愈貞堅  
先達惟公貴高情獨我憐  
別離違宿好傾倒見中情  
不解營三窟寧辭受一廛  
乾坤容散逸霄漢謝攀緣  
泉石同愚谷烟霞異輞川  
帶經耕草澤扣角坐蒲鞵  
晦迹嗟顏闔外名憶魯連  
白頭仍念舊青眼愧忘年  
落魄徒踈野愚蒙待勉旃  
明朝天路上回首思悠然

奉寄孫大參子良前輩二十八韻

感世生人傑，雄才佐大藩。  
簪纓傳閱道，學究天源。  
原曉日鳴儀鳳，秋風運化鯤。

九重承顧問，三峽瀉詞源。  
白日懸霄漢，丹心奉

至尊。文章資黼黻，才器重瓊璫。  
訟簡威元肅，刑寬政

不繁。仁風流郡邑，

皇澤下黎元。德丘山並息，沾草木蕃。  
江淮猶弭節

父老重攀轅，高興耽詩句。  
餘情付酒尊，名聞

天開表身寄紫薇，垣燹理求良弼。  
終看詔

帝閣致君期，稷契翊運及虞軒。  
憶弟歌棠棣，思親夢

樹萱餘蒼空艷色古栢見盤根。  
勲業超前烈，光華

後昆論交惟古道和氣藹春温  
郢曲詞難和高歌意獨存  
誰懸士榻空憶李膺門  
長嘆咲驅流俗孤吟避世喧  
人皆貴魚目君獨愛芳蓀  
山水同愚谷烟霞似陸渾  
集貧甘陋巷多病卧文園  
未遂風雲會終懷國士恩  
沉溟淹歲月行止信乾坤  
不負箕山操寧為捷徑奔  
何當須盖日還与洗心

寄淡居潭講師三十六韻

白雲精舍好瀟洒住林垞  
絕景連滄海橫塘帶遠汀  
野鷗沉去影巢鷺隨修翎  
竹色侵書几山光入硯屏  
佛龕臨水掩禪闥映蒼扃  
宝象明金界潮音落紫冥

庭空雙樹老殿古一燈青施食看鳥下談玄許鹿聽  
簾垂春寂々香散霧凜々縹緲天花繞悠揚法雨零  
石泉通曲徑蘿月透虛樞夜坐焚松火晨齋煮茯苓  
疎鐘和野磬方響雜風鈴習靜空逾悟投閑性獨靈  
鶴歸茶已熟龍去鉢猶腥轉覺身如幻懸知水在瓶  
枯藤晴掛衲貝葉晝翻經感世崇慈教空門尚典刑  
詞章偏識趣交義最忘形拂塵吟初就沉觴醉不停  
依稀結蓮社彷彿會蘭亭韓鼎聯新句湯盤寫舊銘  
筆鋒追草聖華藻煥文星心事粘泥絮行踪逐水萍  
沈腸逢碧澗洗耳掬清泠飛錫辭天竺承

思自大庭道安啟並著惠遠德同馨自喜耽黃卷誰  
能愧白丁素居甘寂寞不嫁惜娉婷荆玉仍蔽璞吳  
鉤未發刃涸鱗思勃解潛螿待雷霆落魄嗟王粲沉  
浮嘆管寧世情從淡泊吾道豈停伶風已同牛馬時  
難辨渭涇論心憐下榻乘興欲揚舲放浪相霞裡紅  
塵夢再醒

再和前韻

生涯惟舊業別墅俯南垞芳甸通禪寺危磯倚釣汀  
林生便鳥性池碧淨鵝翎海日明書幌爐香拂硯屏  
午陰移柳院春色滿柴扃大道那崎曲迷途自杳冥

陂塘浮暖綠，島嶼送遙青。  
野唱連村迥，薪歌隔水聽。  
壯遊懷上國，長嘯泛東溟。  
孤竹霜逾勁，穠萑雨易零。  
溪澗隨小艇，梁燕入疎櫺。  
避孔嗟歌鳳，譏羲咲負苓。  
幽眠行葉徑，鶯觸護花鈴。  
驅瘴醫無術，占季卜有靈。  
几塵留鼠迹，壁漏篆蝸腥。  
遣興詩盈卷，澆愁酒滿瓶。  
靜臨虛白室，閑草太玄經。

聖澤崇新化，皇風尚簡刑。  
軒裳寧累想，編簡獨勞形。  
買賦客頻到，催租吏不停。  
荒蕪元亮宅，寂寞子雲亭。  
絕筆悲麟史，殘碑重鶴銘。  
獨懸高士榻，誰識少微星。  
仙去遺已橘，人來問楚萍。  
樂天甘委巷，激齒救寒冷。

巢訖栖岩穴伊周翼

帝庭菊松存晚節蘭桂藹餘馨抱玉羞三獻倫才愧  
半丁閔睢思窈窕飛燕疾嫂娉婷結緣空蔽匣鋒芒  
不待劓辭章徒錦綉辨折謾風霆泉石盟初遂烟霞  
夢亦寧憐師多蘊藉顧我尚傳伶卓錫投名剎浮杯  
度遠迳看山登佛閣愛月放吳舲何日尋伺社悠然  
共醉醒

詠雪四十韻有懷雪崖羅掌教醉雪凌居士

時景泰甲戌正月也

滕六行時令瑤花舞態妍雨遲多在後飛急欲爭先

柳絮輕還弱珠璣碎復圓隨風俄聚散帶雨正飄翩  
氣轉陰陽妙祥符燮理權乾坤超太素造化入幽分  
月黑千山夜雲黃萬里天時雍頌舜曆歲稔卜堯年  
村墅埋樵徑江湖失釣舡竹歌銀鳳立松偃玉龍眠  
庭院疑盞積溝渠訝粉塢白鵝應失素皓鶴忽輸鮮  
琪樹明遙島瓊瑤滿大田石壇凝凍蘚草舍斷炊烟  
誰剪銀河水新添海瀆泉窟深藏狡兔林杪墮飢鳶  
生意回陽谷寒殺到枕邊蟹行沙崖側蛾撲紙窗前  
剡水舟何在藍閨事可憐人行東郭履蹇策灞陵鞭  
李愬軍威肅蘇卿節義堅映書光錯落拂幔影踰跼

珍重羅夫子分明老鄭虔色迷芹泮路曲調杏壇絃  
鄧魯文風盛游楊道統傳令行金谷酒詩草薛濤箋  
禁体追坡老長才並惠連更思潮上客還似飲中仙  
玩罷心偏爽吟成思欲癡梅坡隨咲傲茆屋任盤旋  
郢國辭難和梁園賦再宣寂寥空有夢契闊會何緣  
自愧非顏闔忘憂類子淵爐紅頻熟火衣冷欲裝綿  
舊物青氈在虛堂絳帳懸羊羔唾黨醉雀舌擬陶煎  
且作袁安卧那聞令尹賢炎涼何足問殺利了無牽  
頓覺煩襟洗都将俗慮蠲衡門長日掩誰与話中悁

金粟軒十二韻

戚里饒佳勝，開軒古桂陰。  
森沉當戶靜，掩映入簾深。  
雲外飄香屑，風前墮碎金。  
清芬來綺席，涼影落瑤琴。  
已種燕山德，還同郗氏林。  
每容佳客賞，那遣素娥臨。  
閑和霓裳曲，高歌白雪吟。  
徜徉忘世慮，微晚淨煩襟。  
瑤樹凌霄倚，珠英帶露簪。  
久諧仙友態，渾契古人心。  
待月詩初就，延秋酒慢斟。  
廣寒何必夢，此地許幽尋。

味菜軒十二韻

高子甘恬淡，栽蔬遠舊軒。  
開渠頻灌水，掩卷獨窺園。  
丹、香度紛、翠色繁。  
帶雲分露甲，趁雨拔霜根。  
入齒冰苓脆，充腸石乳溫。  
只宜延上客，端可薦

芳尊汪氏還堪賞，康侯足与論。不須誇鳳髓，只合陋  
熊蹯。自愜幽懷好，應知古意存。一瓢資糲食，百甕重  
盤飧。金谷苔痕積，梁園月色昏。食前方丈者，何以共  
清言。

適安堂二十韻

書

浮榮何足問，卜築避塵喧。盤谷岩前景，菘菜物外源。  
養生資畎畝，習隱愛丘樊。紫蔓垂風弱，芳蓀溢露繁。  
採蘋幽澗近，洗藥小溪渾。蘿徑延秋月，茆亭候曙暄。  
石泉醒渴思，池草入吟魂。岸幘依松下，橫琴坐竹根。  
詩書尚鄒魯，身世樂羲軒。高卧心逾靜，長歌腹自捫。

識微緣解易得意竟忘言  
樹德由先招流芳惠後昆  
甄陶蒙

帝力行止信乾坤一榻頻留客  
千峯獨閉門青山楊子宅  
綠樹伸長園良會多縫掖  
閑情付酒尊荷衣勝鶴  
望蔬甲異熊蹯傲晚高風  
在春容古意存考槃隨  
放逸俗輟謝攀援我亦優  
游者相過重討論

溪南雅趣十八韻

寂々溪南景悠悠  
隔水灘地偏心自遠  
林僻趣應賒  
叢桂藏書舍垂楊拂釣槎  
東風黃鳥樹晴日白  
鷗沙醉客眠芳草  
山童掃落蒼臨流  
驚雁鶩依藻

數魚蝦荷芰堪裁服蒲蘆易茁芽滄洲漁舍集遠浦  
吹烟斜夜靜唯聞榜波澄自漚麻依稀楊宅子彷彿杜  
陵家剡水何須訪龜源未足誇夢詩同謝眺問字有  
侯巴杼飯分菰米村醪注海霞簡編隨月展菴屋借  
雲遮汀芷香逾淨相蘭色更佳嘉放懷歌白苧適興  
岸烏沙李愿終歸隱陶朱不尚奢九重來玉帛早見  
上京華

卜林泉十二韻

為嘉未姜堯民賦

羨子幽栖處分明小洞天太湖移石秀良嶽起峯  
圓闢徑臨空谷分流接巨川懸崖垂古木疊嶂擬

平泉窈窕通岩穴，依稀卜澗漣。翠禽啼竹月，白鶴避  
茶烟。野鹿尋苓入沙鷗，藉藻眠。座懸徐孺榻，門泊米  
家船。詩卷延佳客，壺觴坐列仙。遐思窮海岳，高趣極  
魚鳶。漸与塵囂遠，能將俗慮蠲。考槃真自得，莫惜以  
畱連。

和吳孝衍答兄令尹山池詩十二韻

山水鍾靈異，能超物外心。玉芝凝秀色，丹桂墮圓  
陰。疊嶽環竒石，移根自鬱林。仙源通窈窕，鬼谷入  
幽深。白鳥浮沉影，黃鸝下上音。自天開卷盡，平地  
擁雲岑。瀑瀉飛千尺，梧高動十尋。惠連曾夢草，子賤

復鳴琴竹節含新粉  
松花落碎金井中  
投客轄座上  
合朋簪綠墅容高  
臥香山樂醉吟  
我來頻俯仰  
爽氣逼衣襟

汾湖義塾二十六韻

為陸公輅賦

宣公流胤在文獻  
共稱賢仗義開黌舍  
端居謝市廛  
詩書敦末學  
玉帛聘儒先  
設教汾湖上  
從遊泗水邊  
竹深丹鳳下  
沙靜白鷗眠  
即此同濂洛  
何煩卜澗瀍  
收書寧惜費  
買賦不論錢  
夜月懸詩榻  
晝風列講筵  
香生芹泮雨  
光泛墨池烟  
憤集文章伯  
多增弟子員  
思波分壁水  
星彩聚奎躔  
釋菜規模遠  
祠宮制度全

鱗  
應作化

燈明藜杖火廩出義庄田舊物青氈在高談絳帳懸  
閭闔遵揖讓禮樂重周旋座擁橫經客門迎問字船  
俗隨鄆魯鱗鱗學孟家廷磊落膏襟豁沉潛腹笥便  
趣起沂水詠調叶杏壇絃顏閔心逾古程朱道再宣  
立辭多尚簡肄業在鈎玄圖究先天外書窮太古前  
佇看飛一鶚終見北三鱣蟾窟期攀桂鵬程擬着鞭  
應徐誇竝轡盧駱許齊眉樂育才偏美薰陶藝更專  
養賢崑

聖主進德賁林泉山斗人爭仰芳名海內傳

見山書舍

卜築藏修處悠然接翠微  
參差螺髻列重疊畫屏圍  
王氣浮蘿廷嵐光映竹扉  
谷深樵唱遠林迥客來稀  
掩卷逗秋色鉤簾對夕霏  
草香薰野服泉響雜琴徽  
涼月明虛幌清風滿絳幃  
烟霞長伴作禽鳥自相依  
池畔看鵝戲松陰待鶴歸  
暫隨岩豹隱疑與世人違  
識字同楊子能文過陸機  
性唯甘澹泊心獨厭輕肥  
帶露書蕉葉和寒種蕨薇  
趣符陶靖節清逼謝玄暉  
芳譽聞鄉里明時重布衣  
徵書來玉帛丘壑動光輝

七言排律

奉寄翠筠都督郭公十六韻

侯門甲第倚雲端，世路紅塵迥不干。  
竹外鑿池通渤澥，蒼邊移石壘峯巒。  
秋風籬落餘松菊，夜雨庭除茁蕙蘭。  
營國流芳曾錫券，汾陽遺澤更多官。  
傳家世食千鍾祿，報

國心懸一寸丹。興極獨將龍劍舞，閑來時展豹韜看。  
陰中人物推龐統，江左風流見謝安。  
令弟手標輝玉樹，諸孫文采耀琅玕。  
姻連戚畹光華盛，

帝念椒房雨露寬。與客賭棋留別墅，邀賓置酒會吟

壇百篇錦句，眉中寫三尺冰絃。膝上彈白雪，陽春應  
自得。青山明月足，幽歡共知管鮑交情。好誰道參商  
會面難，雲路未由趨。

鳳闕風塵，猶自困儒冠。賈生事業，傷遲暮，范叔緜袍。  
戀歲寒，翻憶舊，遊行樂處。令人回首思漫。

奉寄襄城伯李

公

十八韻

一代元勳，屬老臣

四朝忠赤，勳天人羽儀

帝德勤樞務，寅亮天工。秉大鈞，自昔高宗嘗夢弼。只  
今崧嶽復生申，乘時已慶風雲。濟物還同造化仁。

惠洽軍民通節制才兼文武展經綸  
關中見說留蕭湘京國曾看借  
恂素練緩垂羊祐帶紫綸端稱武  
侯中韜譜虎豹軍威肅陣列  
貔貅號令新身向

九重扶日月手持一劍淨風塵  
燈明帟帳談兵夜草暖沙場  
校獵春馬散柳營閑部伍  
鹿鳴蒼館宴儒紳公餘運甕  
思陶侃靜裡投壺憶祭遵  
愛客共談陳北海待賢寧讓  
漢平津轅門建策應無敵  
別墅圍棋更絕倫繼迹伊周  
心不忝致君堯舜俗還淳  
時承

天眷咨詢重日近龍顏寵渥頻  
功業定知銘鼎鼎衣冠重見  
畫麒麟詩成珠玉能驚座  
字走龍蛇妙入神

德厚泰山高，罔極量寬滄海濶。無垠從容下榻，慚高  
士珍重開筵。愧幕賓南北，三二天勞企。仰關河萬里，  
意難陳。半生結屋依先壟，十載垂竿釣渭濱。洲渚群  
鷗元是侶，泥途尺蠖敢求伸。毛錐未脫囊中穎，文字  
徒為席上珍。洛下賈生猶寂寞，荊州王粲尚沉淪。青  
雲豈是無先達，白屋那堪只舊貧。鸞鳳盡看騰碧漢，  
鷓鴣何事寄荆榛。明公贖有吹噓力，挾策何年拜  
紫宸。

雪溪漁唱集六卷終





浙江圖書館


浙江圖書館善本


乙登記號：014512



一九 年 月 日





浙江圖書館









**TIFFEN** Color Control Patches © The Tiffen Company, 2007

Blue	Cyan	Green	Yellow	Red	Magenta	White	3/Color	Black
------	------	-------	--------	-----	---------	-------	---------	-------